

**BOSNA I HERCEGOVINA  
FEDERACIJA BOSNE I HERCEGOVINE  
UNSKO – SANSKI KANTON  
OPĆINA BOSANSKA KRUPA  
OPĆINSKO VIJEĆE BOSANSKA KRUPA**

**IZVJEŠTAJ O REALIZACIJI PROGRAMA RADA  
OPĆINSKOG VIJEĆA BOSANSKA KRUPA ZA 2020. GODINU**

**Bosanska Krupa, januar 2021. godine**

## 1.UVOD

Općinsko vijeće Bosanska Krupa (u daljem tekstu: Vijeće) je predstavnički organ građana općine Bosanska Krupa i organ lokalne samouprave izabran na temelju općeg biračkog prava na neposrednim izborima tajnim glasanjem na način određen Izbornim zakonom Bosne i Hercegovine i organ odlučivanja koji donosi opće i druge akte u okviru samoupravnog djelokruga Općine, te obavlja i druge poslove u skladu sa zakonom i Statutom Općine Bosanska Krupa.

Općinsko vijeće Bosanska Krupa u 2020. godini izvršavalo je svoju funkciju u skladu sa ovlaštenjima datim Zakonom o principima lokalne samouprave u FBiH („Službene novine FBiH“, broj:49/06) , Zakonom o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11), Statutom Općine Bosanska Krupa - Prečišćeni tekst 1 („Službeni glasnik Općine Bosanska Krupa“ broj: 10/17), kao i Poslovníkom o radu Općinskog vijeća Bosanska Krupa („Službeni glasnik Općine Bosanska Krupa“, broj: 8/18).

Pravni osnov za podnošenje Izvještaja o realizaciji Programa rada Općinskog vijeća Bosanska Krupa za 2020. godinu sadržan je u članu 70. stav 1. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11), kojim je definisano da će Općinsko vijeće kao organ jedinice lokalne samouprave, javnosti podnijeti godišnji izvještaj u kojem će se usporediti postignuti rezultati sa planiranim programskom ciljevima.

Općinsko vijeće općine Bosanska Krupa svake godine razmatra izvršenje svoga Programa rada s ciljem osiguravanja provođenja principa javnosti i transparentnosti na kojima se temelji rad Općinskog vijeća.

Obzirom da je Općinsko vijeće shodno članu 70. Stav 1. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) dužno upoznati javnost o obavljanju poslova iz svoga djelokruga rada, navedenim Izvještajem se sublimira godišnji rad Vijeća i njegovih radnih tijela, te se između ostalog, osigurava i provođenje navedenih principa, što u konačnici čini rad Vijeća odgovornim prema sveukupnoj javnosti.

U metodološkom smislu, Izvještaj je usklađen sa metodologijom utvrđenom od strane nosioca Projekta općinskog okolišnog i ekonomskog upravljanja (MEG) iz oblasti „Efikasnost i efektivnost jedinice lokalne samouprave“, a ista omogućava uspostavljanje mjerljivih parametara koji prate realizaciju Programa rada vijeća i njegovih radnih tijela na godišnjem nivou.

Sistematizovani pregled aktivnosti, iskazan u Izvještaju, može poslužiti vijećnicima kao osnova za vođenje rasprave o radu Općinskog vijeća, radnih tijela Općinskog vijeća i nadležne službe Općinskog vijeća, kao i osnova za davanje prijedloga i sugestija za dalji efikasniji rad Općinskog vijeća, njegovih radnih tijela, odnosno može poslužiti kao indikator nedostataka na kojima treba raditi, kao i pokazatelj dobre prakse koju treba nastaviti.

## 2. SJEDNICE OPĆINSKOG VIJEĆA

U toku 2020. godine održano je deset sjednica Općinskog vijeća i to četiri redovne, tri vanredne i tri svečane sjednice.

Redovne sjednice Općinskog vijeća održane su u terminima kako slijedi:

- 38. redovna sjednica Općinskog vijeća održana je 29.1.2020. godine,
- 39. redovna sjednica Općinskog vijeća održana je 6.3.2020. godine,
- 40. redovna sjednica Općinskog vijeća održana je 30.6.2020. godine,
- 41. redovna sjednica Općinskog vijeća održana je 7.9.2020. godine.

Vanredne sjednice Općinskog vijeća održavane su u periodu trajanja pandemije uzrokovane pojavom Corona virusa (Covid 19), te su na dnevnom redu ovih sjednica razmatrani samo oni materijali odnosno odluke važne za funkcionisanje i rad Općine kao jedinice lokalne samouprave.

Vanredne sjednice su održavane online, putem ZOOM aplikacije.

Vanredne sjednice Općinskog vijeća održane su u terminima kako slijedi:

- 2. vanredna sjednica Općinskog vijeća održana je 6.4.2020. godine,
- 3. vanredna sjednica Općinskog vijeća održana je 23.4.2020. godine,
- 4. vanredna sjednica Općinskog vijeća održana je 29.5.2020. godine,

Svečane sjednice Općinskog vijeća održane su povodom Dana nezavisnosti BiH, Dana Općine Bosanska Krupa i Dana državnosti BiH.

Općinsko vijeće je u 2020. godini razmatralo ukupno 83 akta, i to: 21 odluku, 9 programa, 3 plana, 9 rješenja, 11 zaključka, 22 izvještaja, te je k znanju primljeno 7 informacija.

Povodom Dana opštine Bosanska Krupa 17. septembra, Općinsko vijeće je donijelo Rješenje o dodjeli opštinskih priznanja za 2020. godinu, gdje su dodijeljena priznanja u slijedećim kategorijama:

- Plaketu počasni građanin Općine Bosanska Krupa
- Plaketa „17. septembar“,
- Plaketa „Oslobodilaca Bosanske Krupe“
- Zahvalnica Općine Bosanska Krupa

**Tabela broj 1: Tabelarni prikaz održanih sjednica**

<b>Mjesec</b>	<b>Broj sjednica vijeća</b>	<b>Datum održavanja</b>
<i>Januar</i>	<i>38. redovna sjednica</i>	<i>29.1.2020.godina</i>
<i>Februar</i>	<i>Svečana sjednica- Dan Nezavisnosti BiH</i>	<i>29.2.2020. godina</i>
<i>Mart</i>	<i>39. redovna sjednica</i>	<i>6.3.2020. godina</i>
<i>April</i>	<i>2. vanredna sjednica</i> <i>3. vanredna sjednica</i>	<i>6.4.2020. godina</i> <i>23.4.2020.godina</i>
<i>Maj</i>	<i>4. vanredna sjednica</i>	<i>29.5.2020.godina</i>
<i>Juni</i>	<i>40. redovna sjednica</i>	<i>30.6.2020. godina</i>
<i>Septembar</i>	<i>41. redovna sjednica</i> <i>Svečana sjednica – Dan Općine Bosanska Krupa</i>	<i>7.9.2020. godina</i> <i>17.9.2020. godina</i>
<i>Novembar</i>	<i>Svečana sjednica - Dan državnosti BiH</i>	<i>24.11.2020. godina</i>

### **3. NORMATIVNI DIO**

#### **3.1. Hronologija održanih redovnih jednica**

U tekstu koji slijedi prikazana je **hronologija najznačajnijih odluka i drugih akata** koje je Općinsko vijeće donijelo u izvještajnom period na redovnim sjednicama Vijeća i to:

**Na prvoj redovnoj sjednici** održanoj dana 29.1.2020. godine, između ostalih tačaka, Vijeće je donijelo Odluku o izmjenama i dopuni Budžeta Općine Bosanska Krupa za 2020. godinu i Odluku o izmjeni i dopuni Odluke o izvršavanju Budžeta općine Bosanska Krupa za 2020. godinu, Odluka o zamjeni postojećih rasvjetnih tijela javne rasvjete LED svjetiljkama na području općine Bosanska Krupa, Odluka o izmjenama Odluke o dodijeli u zakup poslovnih prostora, sportskih terena i mobilnih kućica Općine Bosanska Krupa, Odluka o pristupanju Sporazumu gradonacelnika za klimu i energiju i izradi Akcionog plana za održivu energiju i borbu protiv klimatskih promjena, tri rješenja o utvrđivanju javnog interesa za nepotpunu eksproprijaciju, dalo je saglasnost na Odluku o izboru i imenovanju direktora JKP "10. Juli" d.o.o. Bosanska Krupa, saglasnost na Pravila o izmjenama i dopunama pravila JU"Centar za socijalni rad" Bosanska Krupa, kao i saglasnost na Pravilnik o izmjenama i dopunama pravilnika o organizaciji i sistematizaciji poslova i radnih zadataka JU"Centar za

socijalni rad” Bosanska Krupa, usvojen je Program o izmjenama i dopunama Programa subvencioniranja dijela troškova komunalnih usluga vodosnabdijevanja i odvodnje i prečišćavanja otpadnih voda za socijalno ugrožene kategorije stanovništva, kao i Program o izmjenama Programa zajedničke komunalne potrošnje za 2020. godinu, te Plan zimske službe - Operativni program.

**Na drugoj redovnoj sjednici** održanoj dana 6.3.2020. godine, između ostalih tačaka, Vijeće je donijelo Odluku o izmjenama i dopunama Odluke o subvencioniranju dijela troškova komunalnih usluga vodosnabdijevanja i odvodnje i prečišćavanja otpadnih voda, Odluka o osnivanju, upravljanju, raspolaganju i korištenju stambenog fonda uz primjenu principa socijalnog stanovanja, Odluka o kriterijima, uslovima i postupku ostvarivanja prava na subvencioniranje najamnine za stan u stanovima namijenjenim za neprofitno-socijalno stanovanje, Odluku o izmjenama Budžeta općine Bosanska Krupa za 2020 i Odluku o izmjeni Odluke o izvršavanju Budžeta općine Bosanska Krupa za 2020. godinu, te je data saglasnost na Pravilnik o izmjeni Pravilnika o unutrašnjoj organizaciji Jedinственог опćинског органа управе опćине Bosanska Krupa.

**Na trećoj redovnoj sjednici** održanoj dana 30.6.2020. godine između ostalih tačaka, Vijeće je donijelo Odluku o izmjenama i dopunama Budžeta Općine Bosanska Krupa za 2020. godinu i Odluku o izmjeni i dopunama Odluke o izvršavanju Budžeta općine Bosanska Krupa za 2020. godinu, četiri rješenja o utvrđivanju javnog interesa za nepotpunu eksproprijaciju, data je saglasnost na Program podrške subjektima male privrede zbog posljedica izazvanih pandemijom koronavirusa u 2020. godini broj: 01-11-4031/20 od 26.6.2020. godine, data je saglasnost na Finansijski plan Sportskog saveza općine Bosanska Krupa i Pravilnik o raspodjeli sredstva Sportskog saveza općine Bosanska Krupa za 2020. Godinu, doneseni su programi i to: Program kapitalnih investicija Općine Bosanska Krupa 2020.-2024., Program rada JU “Centar za kulturu, obrazovanje i informisanje” Bosanska Krupa 2020., Program rada Sportskog saveza općine Bosanska Krupa za 2020. godinu, Program rada Općinskog vijeća za 2020. godinu, te su usvojeni slijedeći izvještaji: Izvještaj o radu JU “Centar za kulturu, obrazovanje i informisanje” Bosanska Krupa za tri mjeseca, Izvještaj o izvršenju prihoda i rashoda za period 1.1.-31.12.2019. godine i izvještaj o trošenju sredstava budžetske rezerve za period 1.7.-31.12.2019. godine, Izvještaj o izvršenju prihoda i rashoda za period od 1.1.-31.3.2020. godine, godišnji izvještaj o izvršenju Budžeta općine Bosanska Krupa za 2019. Godinu, Konačni izvještaj o procijenjenoj šteti na objektima u vlasništvu građana kao posljedica udara vjetrova dana 4.2.2020. godine, Izvještaj o radu Općinskog pravobranilaštva za period

1.1.-31.12.2019. godine, Izvještaj o izvršenju Programa rada Sportskog saveza općine Bosanska Krupa za 2019. godinu i Izvještaj o izvršenju Finansijskog plana Sportskog saveza općine Bosanska Krupa za period 1.1.-31.12.2019. godine, Izvještaj o realizaciji Programa kapitalnih investicija za 2019. godinu, Izvještaj o ostvarivanju godišnjeg plana implementacije strategije integriranog razvoja općine Bosanska Krupa za 2019. godinu, Izvještaj o radu JU"Centar za socijalni rad" Bosanska Krupa za 1.1.-31.3.2020. godine, Izvještaj o realizaciji Programa rada Općinskog vijeća za 2019. godinu.

**Na četvrtoj redovnoj sjednici** održanoj dana 7.9.2020. godine između ostalih tačaka, Vijeće je donijelo Odluku o izmjenama i dopunama Budžeta Općine Bosanska Krupa za 2020. godinu i Odluku o izmjenama i dopunama Odluke o izvršavanju Budžeta općine Bosanska Krupa za 2020. godinu, Odluku o izmjenama i dopunama Odluke o subvencioniranju, Odluku o dopuni Odluke o zamjeni postojećih rasvjetnih tijela javne rasvjete LED svjetiljkama na području Općine Bosanska Krupa, Odluku o dodjeli specijalnih plaketa općine Bosanska Krupa iz oblasti privrede, doneseno je Rješenje o utvrđivanju javnog interesa za rekonstrukciju regionalne ceste R4040a, donešen je Zaključak o zabrani dovoženja migranata na teritoriju općine Bosanska Krupa uz entitetsku granicu, data je saglasnost na Pravilnik o izmjenama i dopunama Pravilnika o unutrašnjoj organizaciji Jedinog općinskog organa uprave, data je saglasnost na Pravilnik o dopunama Pravilnika o radu JU"Centar za socijalni rad" Bosanska Krupa, te su usvojeni Izvještaj o izvršenju prihoda i rashoda za period od 1.1.-30.6.2020. godine, kao i Izvještaj o trošenju sredstava budžetske rezerve za period 1.1.-30.6.2020,

### **3.2. Hronologija održanih vanrednih sjednica**

U izvještajnom periodu Vijeće je održalo tri vanredne sjednice.

Zbog cjelokupne situacije uzrokovane pandemijom Korona virusa, 6.4.2020. godine održana je druga vanredna sjednica Općinskog vijeća, te je razmatran Poslovnik o dopuni Poslovnika o radu Općinskog vijeća Bosanska Krupa kojim je utvrđeno da se vanredne sjednice mogu zakazati i održavati putem telefona, elektronski ili na drugi adekvatan način dok traje stanje nesreće u općini Bosanska Krupa. Na ovoj sjednici donešen je i Pravilnik o načinu utroška sredstava za poticaj primarnoj poljoprivrednoj proizvodnji na području Općine Bosanska Krupa.

Treću vanrednu sjednicu Općinsko vijeće je održalo 23.4.2020. godine, te su usvojene Odluka o subvencioniranju i Odluka o subvenciji iznosa redovne kamate poslovnim subjektima, također je data saglasnost na Odluku o imenovanju vršioca dužnosti direktora JP "Radio Bosanska Krupa" d.o.o. Bosanska Krupa.

Na četvrtoj vanrednoj sjednici, donijeta je Odluka o izmjenama i dopunama Budžeta Općine Bosanska Krupa za 2020. godinu, Odluka o izmjenama i dopuni Odluke o izvršavanju Budžeta Općine Bosanska Krupa za 2020. godinu, kao i Odluka o dopuni Odluke o subvencioniranju.

#### 4. ODLUKE KOJE JE USVOJILO OPĆINSKO VIJEĆE I NJIHOVO PROVOĐENJE

U izvještajnom periodu, Općinsko vijeće je usvojilo 21 odluku. Najveći broj odluka je realizovan ili se bez poteškoća primjenjuje, a realizacija jednog broja odluka je u toku.

**Tabela broj 3: U tabeli koja slijedi dat je prikaz svih odluka sa informacijama o njihovoj realizaciji:**

<b>NAZIV ODLUKE</b>		
		<i>R- realizovana            NR- nije realizovana            P- provodi se            NP- ne provodi se            RT- realizacija u toku            VS- stavljena van snage</i>
1.	Odluka o izmjenama i dopuni Budžeta Općine Bosanska Krupa za 2020. godinu	R
2.	Odluka o izmjeni i dopuni Odluke o izvršavanju Budžeta Općine Bosanska Krupa za 2020. godinu	R
	Odluka o zamjeni postojećih rasvjetnih tijela javne rasvjete LED svjetiljkama na području općine Bosanska Krupa	RT
3.	Odluka o izmjenama Odluke o dodijeli u zakup poslovnih prostora, sportskih terena i mobilnih kućica Općine Bosanska Krupa	P
4.	Odluka o pristupanju Sporazumu gradonacelnika za klimu i energiju i izradi Akcionog plana za održivu energiju i borbu protiv klimatskih promjena	R
5.	Odluka o izmjenama i dopunama Odluke o subvencioniranju dijela troškova komunalnih usluga vodosnabdijevanja i odvodnje i prečišćavanja otpadnih voda	P
6.	Odluka o osnivanju, upravljanju, raspolaganju i korištenju stambenog fonda uz primjenu principa socijalnog stanovanja	P
7.	Odluka o kriterijima, uslovima i postupku ostvarivanja prava na subvencioniranje najamnine za stan u stanovima namijenjenim za neprofitno-socijalno stanovanje	P
8.	Odluka o izmjenama Budžeta Općine Bosanska Krupa za 2020.godinu	R
9.	Odluka o izmjeni odluke o izvršavanju Budžeta Općine Bosanska Krupa za 2020.godinu	R
10.	Odluka o subvencioniranju	R
11.	Odluka o subvenciji iznosa redovne kamate poslovnim subjektima	P
12.	Odluka o izmjenama i dopuni Budžeta Općine Bosanska Krupa za 2020. godinu	R
13.	Odluka o izmjeni i dopuni Odluke o izvršavanju Budžeta Općine Bosanska Krupa za 2020. godinu	R

14.	<i>Odluka o dopuni odluke o subvencioniranju</i>	R
15.	<i>Odluka o izmjenama i dopuni Budžeta Općine Bosanska Krupa za 2020. godinu</i>	R
16.	<i>Odluka o izmjeni i dopuni Odluke o izvršavanju Budžeta Općine Bosanska Krupa za 2020. godinu</i>	R
17.	<i>Odluka o izmjenama i dopuni Budžeta Općine Bosanska Krupa za 2020. godinu</i>	R
18.	<i>Odluka o izmjeni i dopuni Odluke o izvršavanju Budžeta Općine Bosanska Krupa za 2020. godinu</i>	R
19.	<i>Odluka o izmjenama i dopunama odluke o subvencioniranju</i>	R
20.	<i>Odluka o dopuni Odluke o zamjeni postojećih rasvjetnih tijela javne rasvjete LED svjetiljkama na području općine Bosanska Krupa</i>	RT
21.	<i>Odluka o dodjeli specijalnih plaketa općine Bosanska Krupa iz oblasti privrede</i>	R

#### 4.1. REALIZACIJA ZAKLJUČAKA OPĆINSKOG VIJEĆA

Općinsko vijeće je u 2020. godini uvojilo 11 zaključaka, koji su se odnosili na davanje saglasnosti na programe i planove rada javnih ustanova i preduzeća čiji je osnivač Općinsko vijeće, usvajanje izvještaja i informacija i usvajanje nacrtu odluka.

Pregled realizacije zaključaka Općinskog vijeća, usvojenih u toku 2020. godine:

- Zaključak o davanju saglasnosti na Odluku o izboru i imenovanju direktora JKP "10. Juli" d.o.o. Bosanska Krupa
- Zaključak o davanju saglasnosti na Pravila o izmjenama i dopunama Pravila JU"Centar za socijalni rad" Bosanska Krupa
- Zaključak o davanju saglasnosti na Pravilnik o izmjenama i dopunama Pravilnika o organizaciji i sistematizaciji poslova i radnih zadataka JU"Centar za socijalni rad" Bosanska Krupa
- Zaključak o usvajanju Izvještaja o implementaciji ugovora o pružanju javnih vodnih usluga (PSA) na području općine Bosanska Krupa za period 2018-2019. Godine
- Zaključak o davanju saglasnosti na Pravilnik o izmjeni Pravilnika o unutrašnjoj organizaciji Jedinog općinskog organa uprave općine Bosanska Krupa
- Zaključak o davanju saglasnosti na Odluku o imenovanju vršioca dužnosti direktora JP"Radio Bosanska Krupa" d.o.o. Bosanska Krupa
- Zaključak o davanju saglasnosti na Program podrške subjektima male privrede zbog posljedica izazvanih pandemijom koronavirusa ( Covid-19) u 2020. godini broj: 01-11-4031/20 od 26.6.2020. godine
- Zaključak o davanju saglasnosti na finansijski plan sportskog saveza Općine Bosanska Krupa za 2020. godinu broj: 02-17/20 od 10.2.2020. godine i Pravilnik o raspodjeli sredstava Sportskog saveza Općine Bosanska Krupa za 2020. Godinu broj 02-15/20 od 10.2.2020. godine
- Zaključak o davanju saglasnosti na Pravilnik o izmjenama i dopunama Pravilnika o unutrašnjoj organizaciji Jedinog općinskog organa uprave Općine Bosanska Krupa



- Zaključak o davanju saglasnosti na Pravilnik o dopunama Pravilnika o radu JU "Centar za socijalni rad"
- Zaključak o zabrani dovoznja migranata na teritoriju Općine Bosanska Krupa.

#### **4. RADNA TIJELA OPĆINSKOG VIJEĆA**

Pripremu i rad sjednica Vijeća u kontinuitetu je pratio rad stalnih radnih tijela tj. komisija Općinskog vijeća, ovisno o vrsti materijala i djelokrugu rada komisija.

Komisije Vijeća su, u skladu sa propisanim djelokrugom rada, razmatrale prijedloge odluka i drugih akata i o tome su podnosile mišljenja i prijedloge OV.

Komisije su dale svoj doprinos da sjednice Vijeća budu kvalitetnije i efikasnije.

U ovom dijelu dat je poseban osvrt na rad komisija koje su u 2020. godini održale svoje sjednice, kako onih koje gotovo pred svaku sjednicu Općinskog vijeća održavaju svoje sjednice, tako i svih ostalih radnih tijela.

##### **4.1. Komisija za statut i propise**

Statutarna komisija u 2020. godini je održala ukupno 4 sjednice.

Zadatak Komisije je razmatranje prednacrt, nacrt i prijedloga odluka i drugih akata u pogledu njihove usklađenosti sa Ustavom, zakonom, Statutom, Poslovníkom i drugim propisima, kao i njihova pravna obrada, razmatranje pitanja vezanih za ujednačavanje normativno-pravne obrade akata, koje donosi Vijeće, priprema teksta nacrt i prijedloga Statuta općine, Poslovníka Općinskog vijeća i drugih propisa, utvrđivanje prijedloga za davanje autentičnog tumačenja odluka, utvrđivanje prečišćenog teksta odluka i drugih akata Vijeća i obavljanje drugih poslova utvrđenih Statutom općine, Poslovníkom i odlukama Vijeća.

Komisija je po najvećem broju materijala dala pozitivno mišljenje koje je uneseno u njen izvještaj koji je upućivan na sjednice Vijeća.

Komisija je u izvještajnom periodu, na održanih 4 sjednice, razmotrila i dala mišljenje na 17 akata.

##### **4.2. Komisija za finansije i budžet**

Komisija za finansije i budžet u izvještajnom periodu održala je 4 sjednice na kojima je razmatrala materijale iz svoje nadležnosti predložene u sazivima sjednica Vijeća.

Obzirom da je u djelokrugu rada Komisije, između ostalog, razmatranje nacrt i prijedloga Budžeta općine kao i Odluke o izvršenju Budžeta općine, razmatranje pitanja korištenja budžetskih sredstava od strane korisnika tih sredstava, razmatranje pitanja od značaja za privrednu, infrastrukturnu, stambenu, društvenu i kulturnu obnovu i razvoj općine, razmatranje kvartalnih, polugodišnjih i godišnjih izvještaja o izvršenju Budžeta općine, kao i izvještaja o trošenju budžetske rezerve, ova Komisija je dala mišljenje ili predložila zaključke na 15 akata.

### **4.3. Komisija za izbor i imenovanje**

U djelokrugu rada Komisije za izbor i imenovanje je predlaganje i imenovanje, odnosno razrješenje osoba, nosilaca rukovodnih i upravljačkih funkcija koje bira ili imenuje Vijeće kada je to utvrđeno Zakonom, Statutom ili općim aktima javnih ustanova i javnih preduzeća, te članova stalnih i povremenih radnih tijela Vijeća, kao i provođenje procedure vezane za zamjenu vijećnika kojima prestaje mandat po osnovu Zakona sa kandidatima sa stranačkih kandidatskih listi, te je u okviru djelokruga poslova utvrđenih u članu 42. Poslovnika Vijeća, ova Komisija u 2020. godini održala ukupno 2 sjednice.

### **4.4. Komisija za zaštitu ljudskih prava, građanskih sloboda i ravnopravnost spolova**

U izvještajnom periodu **Komisija za zaštitu ljudskih prava, građanskih sloboda i ravnopravnost spolova** održala je 5 sjednica na kojima je razmatrala i donijela drugostepena rješenja po 52 izjavljene žalbe.

U radu Komisije posebno značajnu ulogu je imao Viši stručni saradnik za poslove općinskog vijeća.

Viši stručni saradnik za poslove općinskog vijeća je za potrebe Komisije izvršila sazivanje sjednica Komisije, stručnu obradu žalbi i spisa prvostepenih predmeta i njihovo dostavljanje članovima Komisije, sačinila zapisnike sa sjednica Komisije, obrazložila pravni osnov za donošenje odluka po izjavljenim žalbama, te pripremala za Komisiju uvid u zakone koji regulišu oblast koja je predmet žalbe. Izrađena su 52 rješenja u drugostepenom postupku uz popratne akte i izvršena je njihovu dostavu prvostepenim organima.

Najveći broj žalbi u 2020. godini izjavljen je protiv rješenja koja je donijela Služba za komunalne djelatnosti, vode, zaštitu okoliša i inspekcijske poslove, gdje je postignut zadovoljavajući nivo ekspeditivnosti i poštivanja zakonitosti u rješavanju zahtjeva građana i pravnih subjekata ili utvrđivanja obaveza istim po službenoj dužnosti, tako da su žalbe izjavljene na rješenja iz navedene oblasti, uglavnom, odbijane kao neosnovane.

### **4.5. Komisija za javna priznanja i obilježavanje historijskih događaja i ličnosti**

U izvještajnom periodu ova Komisija je održala 1 sjednicu na kojima je razmatrano ukupno 8 prijava, inicijativa i prijedloga za dodjelu općinskih priznanja za 2020.godinu. Viši stručni saradnik i Viši referent za poslove Općinskog vijeća su u okviru svog djelokruga rada za ovu Komisiju obavljali sve stručne i administrativne poslove vezane za objavu javnog poziva za predlaganje kandidata za dodjelu priznanja za 2020.godinu, sačinila listu, odnosno tabelu predloženih kandidata sa analizom dostavljenih prijedloga kandidata u pogledu ispunjavanja propisanih kriterija za dodjelu priznanja. Nakon provedenog postupka Viši stručni saradnik je, na osnovu prijedloga Komisije za javna priznanja i obilježavanje historijskih događaja i ličnosti, sačinila Rješenje o dodjeli općinskih priznanja.

Također, obavljani su poslovi vezano za pripremu izrade priznanja te je pružena pomoć i u pripremanju svečane sjednice OV.

Viši stručni saradnik je za potrebe Komisije sačinila i dala na objavu Javni poziv za predlaganje kandidata za dodjelu priznanja i nagrade Općine Bosanska Krupa za 2020. godinu.

#### **4.6. Komisija za regulaciju saobraćaja i utvrđivanje prijedloga naziva ulica, trgova, javnih ustanova i naseljenih mjesta**

Osnovni djelokrug rada Komisija za regulaciju saobraćaja i utvrđivanje prijedloga naziva ulica, trgova, javnih ustanova i naseljenih mjesta je razmatranje prijedloga za obustavu i ograničenje saobraćaja, kao i razmatranje predloženih mjera za ukupnu regulaciju saobraćaja i davanje svoga mišljenja nadležnom organu uprave.

U izvještajnom periodu ova Komisija je održala 2 sjednice na kojima je razmatrano ukupno 14 prijava, inicijativa i prijedloga za regulaciju saobraćaja na području općine Bosanska Krupa, te je Viši stručni saradnik za potrebe komisije formulisala i dostavila na nadležno postupanje ukupno 14 mišljenja.

#### **4.7. Komisija za praćenje rada Jedininstvenog općinskog organa uprave**

Obzirom da je u djelokrugu rada Komisije za praćenje rada Jedininstvenog općinskog organa uprave razmatranje akata predloženih Vijeću na usvajanje, i to iz aspekta formalne i suštinske usklađenosti predloženih akata sa relevantnim zakonima te ciljevima i politikama vijeća, i podnošenje izvještaja Vijeću o svakom razmatranom aktu, ova Komisija je dala mišljenje ili predložila zaključke na 26 akata.

#### **4.8. Komisija za mlade**

U izvještajnom periodu nisu iskazani zahtjevi za zakazivanjem Komisije za mlade.

#### **4.9. Komisija za međuopćinsku saradnju i odnose sa vjerskim zajednicama**

U izvještajnom periodu nisu iskazani zahtjevi za zakazivanjem Komisije za međuopćinsku saradnju i odnose sa vjerskim zajednicama.

#### **4.10. Komisija za praćenje položaja demobilisanih boraca, RVI, porodica šehida i poginulih boraca.**

U izvještajnom periodu nisu iskazani zahtjevi za zakazivanjem Komisija za praćenje položaja demobilisanih boraca, RVI, porodica šehida i poginulih boraca.

#### **4.11. Komisija za provođenje javnog nadmetanja**

U izvještajnom periodu nisu iskazani zahtjevi za zakazivanjem Komisije za provođenje javnog nadmetanja.

#### **4.12 Etički odbor**

Djelokrug, kao i nadležnosti i način rada Etičkog odbora utvrđeni su Etičkim kodeksom izabranih zvaničnika općine Bosanska Krupa ("Službeni glasnik općine Bosanska Krupa", broj:3/08) i Poslovníkom o radu Općinskog vijeća.

Standardi ponašanja koji su utvrđeni Etičkim kodeksom i čije poštivanje Etički odbor promovira i nadzire su:

- kvalitetno obavljanje preuzetih dužnosti od strane vijećnika,

- visoki i dosljedni standardi ponašanja,
- timski rad i kolegijalnost u Vijeću
- rješavanje problema na otvoren i pošten način,
- pravednost, uvažavanje i odgovornost te
- povećanje i jačanje povjerenja javnosti prema angažmanu izabranog zvaničnika.

U toku izvještajnog perioda, u komunikaciji vijećnika na sjednicama OV je dolazilo do kršenja navedenih standarda iz Etičkog kodeksa izabranih zvaničnika Općine Bosanska Krupa, a posebno člana 16. obzirom da su se u kreiranju i vođenju dijaloga koristile neprimjerene riječi, nisu se uvažavala jednaka prava svih vijećnika na uvažavanje njihove ličnosti i uvjerenja. Takav vid komunikacije dovodio je i do kršenja i odredaba Poslovnika Vijeća.

Bez obzira na izneseno, u toku izvještajnog perioda Etički odbor nije održavao svoje sjednice. U tabeli četvrtoj naveden je prikaz održanih sjednica komisija za izvještajni period, te ukupan broj donesenih odluka (rješenja, zaključaka ili mišljenja).

**Tabela broj 4: Tabelarni prikaz održanih sjednica radnih tijela Općinskog vijeća**

<b>Komisije Vijeća</b>	<b>Broj članova radnog tijela</b>	<b>Broj održanih sjednica</b>	<b>Broj donesenih odluka</b>
<i>Statutarna komisija</i>	7	4	17
<i>Komisija za finansije i budžet</i>	5	4	15
<i>Komisija za izbor i imenovanje</i>	5	2	2
<i>Komisija za zaštitu ljudskih prava, građanskih sloboda i ravnopravnost spolova</i>	5	5	52
<i>Komisija za javna priznanja i obilježavanje historijskih događaja i ličnosti</i>	5	1	1
<i>Komisija za regulaciju saobraćaja i utvrđivanje prijedloga naziva ulica, trgova, javnih ustanova</i>	5	2	14
<i>Komisija za praćenje rada Jedinistvenog općinskog organa uprave</i>	5	4	26
<i>Komisija za mlade</i>	5	0	0
<i>Komisija za međuopćinsku saradnju i odnose sa vjerskim zajednicama</i>	5	0	0
<i>Komisija za provođenje javnog nadmetanja</i>	3	0	0
<i>Etički odbor</i>	5	0	0
<b>UKUPNO</b>	<b>55</b>	<b>22</b>	<b>127</b>

Uvidom u evidenciju prisutnosti sjednicama radnih tijela može se konstatirati da je prisutnost bila zadovoljavajuća i da se sjednice nisu odgađale zbog nedostatka kvoruma.

## **5. VIJEĆNIČKE AKTIVNOSTI ( PRISUTNOST, PITANJA, DISKUSIJE)**

**Tabela broj 5: Brojčano iskazana prisutnost vijećnika po sjednicama Općinskog vijeća sa procentom prisutnosti**

<b>R.B.</b>	<b>Broj održanih sjednica</b>	<b>Prisutno vijećnika</b>	<b>Odsutno vijećnika</b>	<b>u % prisutnost</b>
1.	38. sjednica (redovna)	24	1	96%
2.	39. sjednica (redovna)	24	1	96%
3.	2. sjednica (vanredna)	25	0	100 %
4.	3. sjednica (vanredna)	23	2	92%
5.	4. sjednica (vanredna)	25	0	100%
6.	40. sjednica (redovna)	23	2	92%
7.	41. sjednica (redovna)	20	5	80%
<b>Ukupno na svim sjednicama</b>				<b>94%</b>

Vijećnici Općinskog vijeća Bosanska Krupa su u period od 29.1.2020. godine do 7.9.2020. godine postavili ukupno 51 vijećničko pitanje ili inicijativu.

**Tabela broj 6: Vijećnička pitanja**

<b>Broj odgovorenih pitanja zaključno sa 7.9.2020. godine</b>	<b>Broj pitanja na koja nije odgovoreno</b>	<b>Procenat odgovorenih pitanja</b>
28	23	55%

**Tabela broj 7: Vijećničke diskusije**

<b>R/B</b>	<b>Vijećničke diskusije po sjednicama</b>							
	<b>Ime i prezime vijećnika</b>	<b>38.</b>	<b>39.</b>	<b>2.</b>	<b>3.</b>	<b>4.</b>	<b>40.</b>	<b>41.</b>
1.	Mirsad Jusić	+	-	+	+	+	+	+
2.	Edin Nuhić	+	-	+	-	+	+	+
3.	Adis Hamzić	+	-	+	+	+	+	+
4.	Sedija Fetić	-	-	-	-	-	+	-
5.	Emir Bešić	+	-	-	-	+	+	+
6.	Adis Velić	-	-	-	-	-	-	+
7.	Salih Šabić	-	-	-	-	+	+	-

8.	<i>Admir Harčević</i>	+	-	-	-	+	-	-
9.	<i>Amir Hafizović</i>	-	-	-	-	-	-	-
10.	<i>Mehmed Haskić</i>	-	-	+	-	-	+	-
11.	<i>Hašim Grošić</i>	-	-	-	-	-	-	-
12.	<i>Midhad Arnautović</i>	+	-	+	-	-	+	-
13.	<i>Elvira Mehić</i>	-	-	-	-	-	-	-
14.	<i>Almir Mašinović</i>	-	-	-	-	-	+	-
15.	<i>Alen Lipovača</i>	+	-	-	-	-	+	-
16.	<i>Ismet Erdić</i>	-	-	-	-	-	-	-
17.	<i>Mina Bužimkić</i>	+	-	+	-	+	+	+
18.	<i>Amir Mešić</i>	-	-	-	-	+	-	-
19.	<i>Fehima Mujić</i>	-	-	-	-	-	-	-
20.	<i>Zaharije Mesić</i>	+	-	+	-	+	-	+
21.	<i>Adem Šahinović</i>	-	-	-	-	+	+	-
22.	<i>Jasenko Šertović</i>	+	-	-	-	+	+	+
23.	<i>Samir Jašaragić</i>	-	-	-	-	-	+	-
24.	<i>Izet Sulejmanović</i>	-	-	+	-	+	-	-
25.	<i>Šemso Hadžipašić</i>	-	-	-	-	-	-	-

## 6. KOMUNIKACIJA VIJEĆNIKA SA GRAĐANIMA

Na zvaničnoj internet stranici općine Bosanska Krupa je postavljena rubrika „Sati građana“, gdje su vijećnici u mogućnosti da u prostorijama Općinskog vijeća, prema utvrđenom rasporedu, ostvaruju neposrednu komunikaciju sa građanima.

Pored toga, građanima je na raspolaganju i aplikacija “e-Citizen” koja omogućava slanje upita ili žalbi lokalnoj upravi u par klikova anonimno ili kao registrovani korisnik.

Kroz aplikaciju je moguće prijaviti određeni problem, komentarisati sjednicu, upućivati pitanja, sugestije i prijedloge vijećnicima Općinskog vijeća, kao i komentarisati javne rasprave.

Trenutno je korišćenje ovih mehanizma na vrlo niskom nivou, obzirom da građani još uvijek radije koriste neformalne kontakte sa predstavnicima zakonodavne vlasti i na taj način najčešće pokušavaju riješiti određenu problematiku. Ova problematika je prisutna i u ostalim lokalnim jedinicama, te je pronalaženje načina za aktivnije korišćenje ovih mehanizama bila tema i na zajedničkim edukacijama u okviru MEG projekta.

U 2020. godini nadležna služba je organizovala „Sate građana“ kad god se za to ukazala potreba, te je na dane 10.2.2020. godine, 13.3.2020. godine, 30.3.2020. godine, 27.5. 2020. godine, 1.6.2020. godine, 8.6.2020. godine, 28.6.2020. godine, 16.7.2020. godine, 28.7.2020. godine, 19.8.2020. godine, 16.9.2020. godine, 25.10. 2020. godine i 28.6. 2020. godine sačinjeno ukupno 14 (četrnaest) zapisnika sa sastanaka Predsjedavajuće OV kao predstavnice zakonodavne vlasti sa građanima naše općine.

## **7. POSLOVI VIŠEG STRUČNOG SARADNIKA I VIŠEG REFERENTA ZA POSLOVE OPĆINSKOG VIJEĆA**

Viši stručni saradnik i Viši referent za poslove Općinskog vijeća obavljaju poslove upravnog rješavanja, normativno-pravne poslove, studijsko-analitičke, stručno-operativne i administrativno-tehničke poslove za potrebe Općinskog vijeća, njegovih komisija, Kolegija Općinskog vijeća i klubova vijećnika, svako iz svoje nadležnosti.

U 2020. godini, Viši stručni saradnik i Viši referent za poslove Općinskog vijeća su obavljali poslove iz svoje nadležnosti kako slijedi:

- ❖ Vršila poslove prijema pošte, odnosno akata, zavođenja akata, dostavljanje predmeta i akata u rad, razvođenje predmeta i akata, otpremanje pošte i arhiviranje svih akata kako sa sjednica Općinskog vijeća, njegovih radnih tijela, sjednica Kolegija Općinskog vijeća, tako i raznoraznih dopisa i akata pristiglih u službu,
- ❖ organizirala i obavljala sve stručne, administrativno-tehničke i druge poslove koji se odnose na pripremanje, sazivanje i praćenje sjednica Vijeća i njegovih radnih tijela, odnosno pripremala sve materijale i dokumentaciju koja je bila potrebna za rad Općinskog vijeća, stalnih radnih tijela Općinskog vijeća, Kolegija Općinskog vijeća i klubova vijećnika,
- ❖ izradila prijedloge prvostepenih rješenja za potrebe Komisije za zaštitu ljudskih prava, građanskih sloboda i ravnopravnost spolova,
- ❖ izradila prijedloge rješenja čiji je predlagatelj bila Komisija za izbor i imenovanja, administrativna i mandatsko-imunitetska pitanja, kao i mišljenja Komisije za regulaciju saobraćaja,
- ❖ obavljala stručne, administrativne i tehničke poslove za Komisiju za izbor i imenovanja, administrativna i mandatsko-imunitetska pitanja po javnim konkursima/oglasima,

- ❖ po potrebi pripremala nacрте i prijedloge odluka i drugih opštih i pojedinačnih akata koje je donosilo Općinsko vijeće u izvještajnom periodu, a koji nisu bili u nadležnosti općinske uprave općine Bosanska Krupa,
- ❖ vodila zapisnike i izrađivala skraćene zapisnike sa sjednica Općinskog vijeća za dalju vijećničku proceduru,
- ❖ učestvovala u pripremi i organizaciji svečanih sjednica Općinskog vijeća,
- ❖ vodila zapisnike i pripremala izvještaje sa sjednica stalnih radna tijela za sjednice Općinskog vijeća,
- ❖ vodila i izrađivala zapisnike sa sjednica Kolegija Općinskog vijeća, koji se dostavljaju članovima Kolegija,
- ❖ izrađivala i objavljivala „Službene glasnike opštine Bosanska Krupa“,
- ❖ izradila program rada Vijeća i Izvještaj o radu OV,
- ❖ blagovremeno dostavljala vijećnička pitanja i inicijative nadležnim organima i vodila interne evidencije o istim,
- ❖ pripremala i organizovala „Sate građana“ i sačinjavala zapisnike sa sastanaka istih,
- ❖ aktivno saradivala sa predstavnicima MEG projekta kroz prisustvo on-line edukacijama i usvajanje pozitivne prakse i smjernica na polju dobre uprave koje su pripremljene u okviru projekta Općinskog okolišnog i ekonomskog upravljanja (MEG), kao i prikupljanje, skeniranje i dostava dokumentacije sa kojom Općinsko vijeće raspolaže na traženje odgovornim evaluatorima ispred projekta,
- ❖ nakon provedenih Lokalnih izbora u 2020. godini, obavljala poslove prikupljanja i slanja akata Centralnoj izbornoj komisiji BiH u za to predviđenom roku
- ❖ obavljala i druge poslove iz svoje nadležnosti.

Viši stručni saradnik i Viši referent za poslove Općinskog vijeća, poslije svake sjednice, vršile su pripremu predsjedavajućoj Općinskog vijeća za potpis originale akata koje je donosilo Općinsko vijeće, prethodno provjeravajući, preko službi koje su bile obrađivači akata dostavljenih na usvajanje, i kontrolišući da li su u ista ugrađeni prihvaćeni i usvojeni amandmani, prijedlozi i druge izmjene koje su pretrpjeli prijedlozi akata na sjednicama, otpremala ih nadležnima službama i drugim zainteresiranim subjektima, te se brinula o njihovom čuvanju i objavljivanju u „Službenom glasniku općine Bosanska Krupa“.

U 2020. godini Viši stručni saradnik za poslove Općinskog vijeća je u roku od tri dana od održane sjednice Vijeća, pripremila i dostavila na objavljivanje ukupno 7 (sedam) „Službenih glasnika općine Bosanska Krupa“.

Saradnjom Predsjedavajuće općinskog vijeća sa Općinskom upravom općine Bosanska Krupa nastojala se omogućiti blagovremena priprema sjednica Općinskog vijeća.

U 2020. godini organizovani su „Sati građana“ kad god se za to ukazala potreba, te je na dane 10.2.2020. godine, 13.3.2020. godine, 30.3.2020. godine, 27.5. 2020. godine, 1.6.2020. godine, 8.6.2020. godine, 28.6.2020. godine, 16.7.2020. godine, 28.7.2020. godine, 19.8.2020. godine, 16.9.2020. godine, 25.10. 2020. godine i 28.6. 2020. godine sačinjeno ukupno 14 (četnaest) zapisnika sa sastanaka Predsjedavajuće OV kao predstavnice zakonodavne vlasti sa građanima naše općine.



**Tabela broj 8: Pregled realiziranih poslova i odgovorne osobe za obavljanje istih**

<b>r/b</b>	<b>Redovni poslovi</b>	<b>Realizirano</b>	<b>Rok za izvršenje ( u tekućoj godini)</b>	<b>Osoba u Službi odgovorna za aktivnost</b>
1.	Izrada godišnjeg Programa rada Izrada Izvještaja o radu Općinskog vijeća	1 1	31.mart	Viši stručni saradnik za poslove Općinskog vijeća
2.	Izrada Rješenja za dodjelu općinskih priznanja	1	17. septembar	Viši stručni saradnik za poslove Općinskog vijeća
3.	Izrada rješenja u postupku po žalbama  Sačinjeni izvještaji Komisije za zaštitu ljudskih prava i građanskih sloboda	52  5	31.decembar	Viši stručni saradnik za poslove Općinskog vijeća
5.	Formulisanje i izrada mišljenja Komisije za regulaciju saobraćaja  Sačinjeni izvještaji Komisije za regulaciju saobraćaja	14  2	31. decembar	Viši stručni saradnik za poslove Općinskog vijeća
6.	Sačinjeni izvještaji radnih tijela po sjednicama OV:  Izvještaj Komisije za statut i propise Izvještaj Komisije za praćenje rada JOOU Izvještaj Komisije za budžet i ekonomsko finansijska pitanja	3	31.decembar	Viši stručni saradnik za poslove Općinskog vijeća
7.	Stručna obrada akata planiranih u Programu i mimo Programa rada Općinskog vijeća, odnosno unošenje u pojedine akte izmjena koje su pretrpjeli prijedlozi akata na sjednicama	58	31.decembar	Viši stručni saradnik za poslove Općinskog vijeća
	Izrada Službenog glasnika i njegovo slanje na objavu	7	31.decembar	Viši stručni saradnik za poslove Općinskog vijeća Napomena: U periodu odsustva višeg stručnog saradnika zbog zdravstvenih razloga, osoba u službi odgovorna za aktivnost je bio viši referent za poslove Općinskog vijeća

8.	<i>Različiti dopisi, odgovori na vijećnička pitanja upućena Predsjedavajućoj i službi, kao i dostavljanje različitih informacija na znanje zainteresiranim subjektima</i>	21	31. decembar	<i>Viši stručni saradnik za poslove Općinskog vijeća</i>
8.	<i>Izrada zapisnika sa sjednica Kolegija Općinskog vijeća i Zapisnika sa sjednica Općinskog vijeća</i>	7	31. decembar	<i>Viši stručni saradnik za poslove Općinskog vijeća Viši referent za poslove OV</i>
9.	<i>Izrada saziva za sjednicu Kolegija Općinskog vijeća i blagovremeno dostavljanje svim članovima Kolegija</i>	7	31. decembar	<i>Viši referent za poslove OV</i>
10.	<i>Tehničko kompletiranje materijala za sjednicu Općinskog vijeća i njihovo blagovremeno dostavljanje vijećnicima kao i radnim tijelima – Saziv i materijali</i>	7	31. decembar	<i>Viši referent za poslove OV</i>
11.	<i>Ukupno proslijeđeno vijećničkih pitanja općinskom načelniku i drugim pravnim licima i institucijama u zavisnosti kome je pitanje postavljeno</i>  <i>Ukupno proslijeđeno vijećničkih inicijativa</i>	32  1	31. decembar	<i>Viši referent za poslove OV</i>
12.	<i>Ukupno proslijeđeno finansijskih izvještaja o paušalima i naknadama općinskih vijećnika, naknade članovima radnih tijela općinskog vijeća kao i članovima Kolegija OV-a.</i>	7	31. decembar	<i>Viši referent za poslove OV</i>
13.	<i>Izrada hronološkog registra za period 2010.-2020. godine i njegovo slanje na objavu</i>	10	31. decembar	<i>Viši referent za poslove OV</i>

## 8. ZAKLJUČAK

Protekla 2020. godina, u odnosu na rad i saradnju Općinskog vijeća i Općinskog načelnika, odnosno Službi JOOU općine Bosanska Krupa se može ocjeniti vrlo pozitivno.

Analizirajući realizaciju Programa rada Općinskog vijeća jasno se da zaključiti da se na vrijeme pripreme i u najvećoj mjeri usvoje materijali kojima su predlagači Općinske službe, a istovremeno se obrađuje dosta tačaka dnevnog reda koje nisu predviđene Programom rada Općinskog vijeća.

Komisije Općinskog vijeća se redovito sastaju kako pred sjednice Općinskog vijeća tako i s pojavom problematike iz nadležnosti pojedinih Komisija.

Sa sjednica Komisija uredno se sačinjavaju zapisnici i izvještaji koji se u propisanim rokovima dostavljaju kako Općinskom načelniku, tako i Općinskom vijeću na uvid.

Akti koji se na vijeću usvoje u formi nacrtu predmet su razmatranja na Javnim raspravama koje se redovno održavaju u organizaciji Komisije za Statut i propise, uz podršku Višeg stručnog saradnik i Višeg referenta koje osiguravaju vođenje zapisnika, i uz prisustvo službenika JOOU općine Bosanska Krupa ispred Službe koja je obrađivala akt.

Izdavanje Službenog glasnika općine Bosanska Krupa je svedeno na minimalan broj, jer se isti ažurno objavljuje na web stranici općine Bosanska Krupa, te je svima na taj način dostupan, materijali za sjednice OV-a se također uredno i blagovremeno dostavljaju svim vijećnicima i zainteresiranim subjektima, te je i njihovo štampanje reducirano i ustupa se samo onima kojima je materijal nužno potreban za uspješno praćenje sjednice Općinskog vijeća.

Prenosom zasjedanja putem "Radija Bosanska Krupa" rad Vijeća su mogli pratiti građani, s ciljem da donošenje najvažnijih odluka za Općinu bude javno i transparentno.

Posebno je važno spomenuti da općina Bosanska Krupa kao JLS, učestvuje u MEG projektu, tj. Projektu općinskog okolišnog i ekonomskog razvoja.

Unutar projekta vrši se Procjena učinka unutar sistema upravljanja rezultatima, te se na taj način procjenjuju kapaciteti i učinak pomenutih aktera u okviru četiri ključna polja procjene i to:

- A. Liderstvo, predstavnička uloga, odlučivanje i nadzorna uloga tijela predstavničke vlasti;**
- B. Transparentnost i odgovornost lokalnih vlasti;**
- C. Učešće javnosti u procesu donošenja odluka;**
- D. Efikasnost i efektivnost JLS;**

Općina Bosanska Krupa je u procjeni na polju dobre uprave ostvarila ukupni rezultat od 78,80 bodova od mogućih 100.

U poređenju sa rezultatima iz 2016. godine, kada je ukupna ocjena bila 70,20, ostvaren je umjereni iskorak, te je došlo do napretka iz kategorije JLS sa osrednjim učinkom u kategoriju JLS sa visokim učinkom sistema upravljanja rezultatima.

Ocjena za oblast A. Liderstvo, predstavnička uloga, odlučivanje i nadzorna uloga tijela predstavničke vlasti, povećana je sa 66,16 u 2016. godini na 73,96 u 2020. godini – što predstavlja napredak unutar ranga osrednjeg učinka u sistemu upravljanja rezultatima.

Poboljšanje je registrovano gotovo u svim indikatorima, osim u okviru indikatora A5 – Obezbjedena zastupljenost žena u vijeću, radnim tijelima Vijeća JLS i (grado)načelnika, što je u mnogome umanjilo pozitivan rezultat postignut u ostalim indikatorima.

**Međutim, kako bi JLS potencijalno povećala ocjene unutar ove oblasti, slijedeće preporuke trebaju biti uzete u obzir u narednom period:**

- A. Značajno unaprijediti sistem profesionalnog usavršavanja vijećnika, što posrazumjeva planiranje, implementaciju i izvještavanje o održanim obukama, seminarima, treninzima za vijećnike.
- B. Povećati stepen promocije postojanja mehanizma etičkog kodeksa kako bi građani više koristili ovu mogućnost u svrhu prijavljivanja kršenja pravila ponašanja od strane izabراه zvanichnika, na što je potrebno adekvatno reagovati od strane Etičkog odbora i Vijeća u cjelini.
- C. Unaprijediti strukturu plana rada i izvještaja o radu OV; te poboljšati mehanizme praćenja izvršavanja odluka OV
- D. Povećati broj blagovremeno odgovorenih vijećničkih pitanja i odgovora na inicijative vijećnika
- E. Obratiti pažnju na adekvatno praćenje stepena realizacije donesenih odluka OV i izvještavanje OV kroz godišnje izvještaje, ali i u inicijalnom dijelu sjednica OV.
- F. Usvojiti i primjeniti interne akte koji propisuju davanje prednosti manje zastupljenom polu kod jednako kvalificiranih kandidata kod odabira spoljnih članova radnih tijela Vijeća i (grado)načelnika.
- G. Razviti zvanične politike, strategije, planove, mjerevezane za uključivanje osjetljivih grupa stanovništva i podršku tim grupama na participativan način, te a isti dokumenti sadrže programski dio vezan za budžet i druge izvore finansiranja.

**Što se tiče indikatora C. Učešće javnosti u procesu donošenja odluka, a kako bi se potencijalno povećala ocjene unutar ove oblasti, slijedeće preporuke trebaju biti uzete u obzir u narednom period:**

- A. Mehanizam “Građanski sat” je potrebno strukturirati i koristiti u smislu planiranja komunikacije sa građanima, ali istovremeno i bolje evidencije obavljenih razgovora
- B. Da izvještaji o realizovanim javnim raspravama trebaju sadržavati tačne podatke o broju građana, reprezentativnosti, spolu i potencijalno pripadnosti osjetljivim skupinama stanovništva
- C. Neophodno je više pozornosti posvetiti promociji raspoloživih mehanizama direkne komunikacije sa vijećnicima korištenjem raspoloživih mehanizama – posebno mehanizma “Građanski sat”, te aplikacije “E- citizen”.

**Broj:** 01-02-90-9a-1 /21

**Bosanska Krupa,** 14.4.2021 . godine

**PREDSJEDAVAJUĆI OPĆINSKOG VIJEĆA**

Đemal Elezović s.r.